



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-1-40-458-6/23**
Datum: **19.12.2023. god**

«Agencija za vodno područje rijeke Save» Sarajevo rješavajući po službenom zahtjevu Ministarstva za prostorno uređenje, promet i komunikacije i zaštitu okoline Zeničko-dobojskog kantona za donošenje rješenja o prethodnoj vodnoj saglasnosti za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za destilaciju, filtraciju i prečišćavanje otpadnih ulja, zauljenih voda i otpadnih emulzija u Poslovnoj zoni „Vila“, općina Tešanj u postupku pribavljanja urbanističke saglasnosti po zahtjevu pravnog lica «EKO-SERVIS» d.o.o. Tešanj, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E **o prethodnoj vodnoj saglasnosti**

1. Pravnom licu «EKO-SERVIS» d.o.o. Tešanj daje se prethodna vodna saglasnost za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za destilaciju, filtraciju i prečišćavanje otpadnih ulja, zauljenih voda i otpadnih emulzija u Poslovnoj zoni „Vila“, koji se planira graditi na zemljištu označenom kao k.č. broj: 10/15 K.O. Novo Selo, općina Tešanj, a u postupku pribavljanja urbanističke saglasnosti i okolinske dozvole, ukoliko je za predmetni objekat i aktivnost potrebna okolinska dozvola.
2. Prethodna vodna saglasnost daje se na osnovu pregleda dostavljene dokumentacije i pod sljedećim uslovima:
 - 2.1. Da je planirana aktivnost izgradnje pogona za destilaciju, filtraciju i prečišćavanje otpadnih ulja, zauljenih voda i otpadnih emulzija u Poslovnoj zoni „Vila“ u Tešnju usklađena sa važećom prostorno-planskom dokumentacijom i razvojnim planovima Općine Tešanj.
 - 2.2. Ukoliko je ispunjen uslov iz tačke 2.1. potrebno je izraditi investiciono tehničku dokumentaciju potrebnu za pribavljanje vodne saglasnosti za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada pogona za destilaciju, filtraciju i prečišćavanje otpadnih ulja, zauljenih voda i otpadnih emulzija u Poslovnoj zoni „Vila“, općina Tešanj.Investiciono-tehnička dokumentacija treba biti urađena i revidovana od strane pravnih lica koja imaju ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva koja treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) koja su bitna za konkretan slučaj, a naročito:
 - Na osnovu proračuna količina vode potrebne za nesmetan rad predmetnog objekta obraditi tehničko rješenje snabdijevanja vodom, dovođenja vode do objekta i mjerenja količina utrošene vode, sa svim potrebnim grafičkim prilogima i tehničkim opisom.
 - Kompletan proračun kvantitativnih i kvalitativnih karakteristika tehnoloških otpadnih voda koje nastaju na lokaciji predmetnog objekta sa relevantnim parametrima potrebnim za projektovanje sistema za prikupljanje, odvodnju i tretman istih prije ispusta u krajnji recipijent.
 - Dati tehničko rješenje prikupljanja i odvodnje tehnoloških otpadnih voda nastalih u predmetnom pogonu, te način prečišćavanja i konačnog disponiranja istih.
 - Usvojeni sistem prečišćavanja mora biti tako dimenzioniran da obezbijedi da prečišćene otpadne vode prije ispuštanja u recipijent na mjestu ispusta, moraju da zadovolje granične

vrijednosti emisije definisane članom 15. Uredbe o uslovima ispuštanja otpadnih voda u okoliš i sisteme javne kanalizacije.

- Predvidjeti ugradnju okna za monitoring prije ispusta prečišćenih voda u recipijent.
- Dati osnovne podatke o recipijentu, sa detaljem ispusta prečišćenih voda u isti. Lokalizet ispusta prečišćenih voda mora biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka).
- Dati tehnološku šemu pogona za destilaciju, filtraciju i prečišćavanje otpadnih ulja, zauljenih voda i otpadnih emulzija; način prihvata, skladištenja, tretmana otpadnih ulja, zauljenih voda i otpadnih emulzija, kao i skladištenja osnovnih proizvoda i konačnog zbrinjavanja izdvojenog mulja i ostalih nusproizvoda koji nastaju u pogonu.
- Projektnom dokumentacijom predvidjeti izradu vodonepropusnih tankvana u cilju sprječavanja nekontrolisanog izlivanja uskladištenih tekućina.
- Na predmetnom lokalitetu nije dozvoljeno indirektno ispuštanje otpadnih voda u podzemne vode ili na tlo ukoliko se prethodno ne izvrše potrebni hidrogeološki istražni radovi te obraditi i potvrditi ispunjenje uslova pod kojim je isto dozvoljeno, a sve u skladu sa članom 16. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
- Projektnom dokumentacijom obuhvatiti i situativno prikazati cjelokupan lokalitet sa objektima, definisati tačan položaj/lokaciju objekata u odnosu na otvorene vodotoke, izvorišta vode za piće i sl.
- Projektnom dokumentacijom sagledati sve moguće neželjene uticaje kako na planirani objekat, tako planiranog objekta na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno ublažavanje tih utjecaja.

2.3. Pri izradi tehničke dokumentacije pridržavati se uslova iz Urbanističke saglasnosti, zakonske regulative vezane za ovakvu vrstu radova, ekološko-ekonomskih zahtjeva te pravila struke i nauke.

2.4. Investiciono tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.

3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i okolinske dozvole i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije).

4. Po izradi i reviziji investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.

5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata. Uz zahtjev se prilaže:

5.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja

5.2. Kopije rješenja o urbanističkoj saglasnosti i okolinskoj dozvoli

5.3. Dokaz o izvršenoj uplati administrativne takse u iznosu od 60 KM.

6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.

7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Ministarstvo za prostorno uređenje, promet i komunikacije i zaštitu okoline Zeničko-dobojskog kantona, obratilo se po službenoj dužnosti ovoj Agenciji sa zahtjevom broj: 12-19-6421-3/23 od 12.10.2023. godine, zaprimljenim 20.10.2023. godine, za izdavanje prethodne vodne saglasnosti za pogon za destilaciju, filtraciju i prečišćavanje otpadnih ulja, zauljenih voda i otpadnih emulzija u Poslovnoj zoni „Vila“, koji se planira graditi na zemljištu označenom kao k.č. broj: 10/15 K.O. Novo Selo, općina Tešanj, a u postupku pribavljanja urbanističke saglasnosti za promjenu namjene postojećeg skladišnog objekta u novu namjenu po zahtjevu pravnog lica «EKO-SERVIS» d.o.o. Tešanj.

Uz zahtjev nije dostavljena dokumentacija koja je propisana članom 3. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-1-40-458-2/23 od 23.10.2023. godine zatraženo od podnosioca zahtjeva da istu dopuni. Podnosilac zahtjeva je dopunio dokumentaciju u ostavljenom roku.

U provedenom postupku dostavljena je i pregledana sljedeća dokumentacija:

- Kopija Aktuelnog izvoda iz sudskog registra broj: 043-0-RegZ-22-002758 od 11.10.2022. izdatog od Općinskog suda u Zenici,
- Kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-6997-2/17 od 27.11.2017. izdatog od Uprave za indirektno-neizravno oporezivanje Banja Luka,
- Kopija Uvjerjenja o registraciji poreznog obveznika od 26.10.2017. izdatog od Porezne uprave FBiH-Kantonalni porezni ured Zenica,
- Dokaz o uplaćenju upravnoj taksi,
- Kopija Izvoda iz izmjena i dopuna Regulacionog plana „Poslovna zona Bukva“ sa Odlukom o provođenju izmjena i dopuna Regulacionog plana „Poslovna zona Bukva“ Tešanj („Sl. glasnik Općine Tešanj“ broj: 2/16) od 22.05.2023. izdatog od Službe za katastar, urbanizam i imovinsko-pravne poslove Općine Tešanj,
- Kopija Skice snimanja M=1:500 urađena od Geodetski ured «GEOMETRIK» Tešanj,
- Kopija Zemljišnoknjižnog izvotka broj: 039-0-NAR-23-003 866, ZK uložak broj 231, od 15.09.2023., izdatog od Zemljišnoknjižnog ureda Općinskog suda u Tešnju,
- Kopija Tehničkog opisa iz Idejnog projekta izmjene namjene i dogradnja, april 2023., urađen od «EN PROJEKT» d.o.o. Tešanj,
- Studija za izdavanje prethodne vodne saglasnosti poslovnog objekta sa pogonom za tretman ulja, zauljenih voda i otpadnih emulzija, broj: 10-241/23, novembar 2023., urađena od «TQM» d.o.o. Lukavac.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 28.11.2023. godine obaviještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 30.11.2023. godine u dnevnom glasilu «OSLOBOĐENJE». U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u dostavljenu dokumentaciju utvrđeno je sljedeće:

- Pogon za destilaciju, filtraciju i prečišćavanje otpadnih ulja, zauljenih voda i otpadnih emulzija se planira graditi u Poslovnoj zoni „Vila“ u Tešnju. U toku je ishodovanje urbanističke saglasnosti za promjenu namjene postojećeg skladišnog objekta u predmetni pogon.
- Parcela na kojoj se planira graditi predmetni objekat se ne nalazi u vodnom dobru, poplavnom području vodotoka I kategorije, niti u području zaštitnih zona površinskih i podzemnih voda.
- Tehnološke otpadne nakon tretmana otpadnog/rabljenog ulja na postrojenju će se sistemom kanalizacije, zajedno sa oborinskim potencijalno zauljenim vodama sa platoa, odvoditi na tretman u postojeći separator masti i ulja na susjednom objektu u vlasništvu Investitora.
- Otpadne vode od pranja podova, će se prikupljati u rezervoar, te odvoditi u postrojenje za tretman otpadnog/rabljenog ulja.
- Predviđeno je da se snabdijevanje vodom obezbijedi putem priključka na gradski vodovodni sistem.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani su uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Podnosilac zahtjeva je uplatio upravnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Sanja Miličić, građ.ing.

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl.inž.građ.

Dostaviti:

- «EKO-SERVIS» d.o.o.
Poslovna zona „Vila“, br. 41, 74260 Tešanj
- Zeničko-dobojski kanton, Ministarstvo za prostorno uređenje, promet i komunikacije i zaštitu okoline
Kučukovići br. 2, 72000 Zenica
- AVP Sava, ISV – Vodna knjiga
- ⊖ Sektor 40 – arhiva
- Oglasna ploča - AVP Sava